

Comision Pro Cultura Bo Guia 88.9 a "Cende Candela"

Prome Festival di San Juan cu e Rey Gilbert Feliciano y e "Potpourri di Tumba"!

ORANJESTAD - Pueblo di Aruba en berdad a demostra durante e prome Festival di San Juan cu "Si bo ta stima bo identidad, amor pa bo folclor!". Centro di bario Tanki Leendert a keda chikito pa e amantenan di nos cultura cu a biba cu e resultado di e Festival San Juan 2006 cu a keda dedica na Sr. Rudo Kelly & Sr. Benny Panneflek. Rey di San Juan 2006 a keda den persona di Gilbert Feliciano, Ganador Cancion Propio Composicion Robert Maduro cu su cancion "Cende Candela", mientras cu e Tipico di Festival di San Juan a bai pa e agrupacion di Danilo Vrolijk "Amor pa Folclor cu nan "Potpourri di Tumba".

Cerbes Balashi a demostra e amor cu nan tin pa nos cultura y tabata e sponsor principal di e prome "Festival di San Juan 2006" cu a keda organisa pa e Comision Pro Cultura di

Juby Naahr bou presidencia di Sr. Leo Werleman tabatin e tarea dificil di saca e 3 ganadornan di cada categoria esta, Propio Composicion, San Juan y Tipico di e Festival San Juan 2006. Mester remarca cu e reglanan di Festival tabata un cooperacion di Sra. Maybeline Arends-Croes y Sr. Edgar Kelkboom. Den un programa di computer special diseña pa e Festival e resultado tabata conoci al instante despues cu e huradonan a haci nan ultimo huzgacion.

E tipiconan cu a participa e anochi aki tabata Tipico Macuarima, Tipico Los Amigos; Tico y sus Estrellas; Tipico Pegasaya; Alma Folklorico y Amor pa Folklore. Publico presente a gosa di un Festival tur afor unda cu e maestronan di ceremonia Sra. Marijke Croes & Sr. Jaime Lacle a percura pa e Festival a cana debidamente. Durante



Bo Guia 88.9...Mientras cu Fundacion Lotto pa deporte tambe a contribui pa cubri un parti di e gastonan. For di prome instante Comision Pro Cultura Bo guia 88.9 F.M. a muestra cu ta pone enfasis riba calidad y no cantidad di participante y a mara esaki na un maximo di 30 cancion pa e anochi..

E cuerpo di hurado consistiendo di Sra. Jeanine Roga-Wernet; Sr. Choncho Boekhoudt; Sr. Francis Jacobs, Sr. Franklin Falconi y e encyclopedia ambulante Sr.

e actividad e grupo di Sra. Lia Lopez a hasi un bunita presentacion y dramatisacion di e deramento di gai di San Juan.

E anochi aki despues cu Sr. Juby Naar a repasa ken ta Sr. Rufo Kelly, pionero di San Juan na Sportboys y Sr. Benny Panneflek un gran amante y conservador di nos cultura, Comision Pro Cultura Bo Guia 88.9 F.M. a haci entrega di plakkaat na Sra. Esther Panneflek casa di Benny den presencia di su yui Gino y otro miembronan di famia



Panneflek. Mientras cu Sr. Rufo Kelly no tabata presente comokiera cu e tabata na Alemania den representacion di Aruba na conferencia di FIFA. Sr. Kelly lo ricibi su plakaat dia di San Juan.

Festival San Juan 2006 a finalisa na momento cu maestronan di ceremonia a anuncia e ganadornan cu a resulta como lo siguiente. Categoria Tipico a keda na 3 er lugar Tipico Pegasaya cu e tuma "6'or bati pa mi bai"; 2 ndo lugar e wals instrumental di Alma Folklorico "Esceleton" y a ganador cancion Tipico a bai pa Amor pa Folklore cu e "Potpourri di tumba".

Den Categoria di San Juan a keda 3 er lugar e unico damita cu a participa e anochi aki Srta. Kimberly Dijkhoff acompaña pa Amor pa Folklore; 2ndo lugar Sr. Roberto Orman acompaña pa Tico y su Estrellas y e ganador Rey di San Juan a keda den persona

di Gilbert Feliciano acompaña pa Alma Folklorico.

Den e categoria maximo cancion Propio Composicion: 3 er lugar Hubert Geerman cu e danza "Dere Gai"; 2ndo lugar Sr. Danilo Vrolijk cu e tumba Palo ku'ne, mientras e ganador a keda den persona di Robert Maduro cu e cancion "Cende candela" cu for di momento cu el a presenta a gana e curazon di e publico presente. Tur e ganadornan a ricibi un celular for di Setar y e finalistanan un cadeaubon. E siman cu ta bini e c.d. conteniendo no menos cu 18 cancion lo ta riba Mercado pa solamente 25 florin, cu ta bou di encargo di IQ Music Lab. Comision Pro Cultura Bo Guia 88.9 a dicidi cu e benta recuada di e c.d. lo ta dedica pa usa como fondo pa e organisacionnan cu e anja aki no ta haya subsidio di Afl 400,= for di gobierno!

Comision Pro Cultura Bo



Guia 88.9 F.M. ta gradici inmensamente Sr. Turi de Veer y Sr. Jean Pierre Koolman di Cerbez Balashi pa nan contribucion cu por a duna e ganadornan un premio efectivo y tambe pa e sistema di sonido. Sin lubida Lotto pa Deporte, Sr. Andy Croes cu a duna tur cooperacion pa por a cubri e demas gastonan di e Festival. Setar n.v. cu a duna e ganadornan un celular y e finalistanan cadeaubon. Tambe mester gradici Sr. John Felmming pa e decoracion di stage; Sr. Errol Pieters di Pieters Party Rental, Bright Bakery; Wanboy Supermarket pa nan cooperacion balioso. Last but not least, e comision ta gradici tur e boluntarionan y coleganan di radio Bo Guia cu a traha masha duro e anochi aki. Y prensa cu a duna nan contribucion pa haci e festival aki un exito rotundo! "Si bo stima bo identidad, amor pa bo folclor di San Juan!"

